

## Sakspapir

| Sakshandsamar      | Arkiv          | ArkivsakID |
|--------------------|----------------|------------|
| Berit Karin Rystad | FE-233, FA-M50 | 22/438     |

| Saksnr | Utval         | Type | Dato       |
|--------|---------------|------|------------|
| 114/22 | Formannskapet | PS   | 22.11.2022 |
|        | Kommunestyret | PS   |            |

Tilbod frå NGIR om å ta over fakturering av renovasjons- og slamgebyr på Fedje

Vedlegg:

Tilbod om å overta faktureringa av renovasjons- og slamgebyr på Fedje

### Saksutgreiing:

#### Saksopplysningar

NGIR tilbyr Fedje kommune å ta over administrasjon, fakturering og sakshandsaming av renovasjons- og slamtømmegebyr på Fedje. NGIR organiserer og drifter renovasjon- og slamtømmetenestene for eigarkommunane. Utgiftene som NGIR har blir dekkja av høvesvis renovasjonsgebyr og slamgebyr frå innbyggjarane. Utrekning og fastsetjing av gebyr skal følgje sjølvkostregelverket. Eigarkommunane godkjenner gebyra kvart år etter vedtak i NGIR sit representantskap. NGIR har ansvar for administrasjon av renovasjonstenestene for alle eigarkommunane med unntak av Fedje. Utrekning av satsar og innkrevjing av gebyr blir gjort av NGIR.

Når det gjeld slamtømming så er det Alver, Gulen og Solund som har overført administrasjon av denne tenesta til NGIR. Dei andre eigarkommunane har eige apparat for å administrere slamgebyra.

Når kommunen nyttar eigne apparat for administrering av gebyr, får gebyret som NGIR har fastsett i tråd med sjølvkostregelverket eit administrativt påslag som abonnentane må dekkje i tillegg.

Fordelen for NGIR med å kunne administrere og fakturere direkte til abonnentane på Fedje er at NGIR lettare kan halde kunderegisteret oppdatert. NGIR vil og framover innføre digitale løysingar der det er viktig for NGIR at dei har oppdaterte data og direkte kontakt med abonnentane på Fedje.

#### Vurdering

Kommunedirektøren går inn for at NGIR overtar administrering og fakturering av renovasjonstenestene for Fedje kommune. Det vil bli rimelegare for abonnentane, systema er lettare å halde oppdaterte og NGIR vil kunne tilby betre tenester, mellom anna digitale tenester, viss dei kan administrere abonnentane direkte. Nye forskrifter set og strengare krav til kommunen og NGIR har kompetanse og kapasitet til å hjelpe med handtering av lovpålagte oppgåver.

Når det gjeld slam vurderer kommunedirektøren det slik at den ordninga bør ligge til kommunen. Årsaka til dette er at kommunen uansett må handsame utsleppsløyve i byggesakshandsaminga, og at kommunen vil ha betre kontroll og oversikt over slamtømming i kommunen ved å ha administrasjon av slamtømming lokalt. Dette gjeld spesielt i forhold til kommunen sitt ansvar for å

følgje opp med tilsyn og ulovlege utslepp.

Fedje kommune har allereie vedteke det som trengs for at NGIR skal kunne ta over fakturering av renovasjonsgebyra. Kommunen må likevel gjer ei endring av eit av punkta i sak 070/21 (Forskrift om innsamling og handsaming av hushaldsavfall i Alver, Austrheim, Fedje, Gulen, Masfjorden, Modalen og Solund kommune – vedteke 28.10.21 sak 070/21). Siste delen av setninga; «men slik at Fedje kommune sjølv skal krevje inn renovasjonsgebyr frå eigedomar i kommunen for oppsamling, innsamling, transport og handsaming av hushaldningsavfall» må opphevast med eit eige vedtak frå ein bestemt dato og det er klart for at NGIR tek arbeidet med renovasjonsgebyret.

Når det gjeld slamtømming må det gjerast eit vedtak om at «NGIR tek over arbeidet med administrasjon av slamtømmeordninga frå xx.xx.20xx med heimel i § 83 i «Lov om vern mot forurensinger og om avfall» og Forskrift for slamtømming, Fedje kommune.

Folkehelse

Ikkje aktuelt

Miljø

NGIR vil få større moglegheit til å utvikle betre avfallstenester

Økonomi

Det blir rimelegare for abonnentane på Fedje om NGIR tek over administrasjon av renovasjon

### **Konklusjon**

Kommunedirektøren vurderer saka slik at NGIR bør ta over administrasjon av renovasjon på Fedje. Når det gjeld slamtømming vil kommunedirektøren foreslå at den framleis skal ligge til kommunen fordi kommunen likevel må sakshandame dette i byggesakshandsaming.

### **Forslag til vedtak:**

Kommunestyret vedtek at NGIR overtek administrasjon og fakturering av renovasjonsgebyra i Fedje kommune. Kommunestyret opphevar siste del av setning i sak 070/21 (Forskrift om innsamling og handsaming av hushaldsavfall i Alver, Austrheim, Fedje, Gulen, Masfjorden, Modalen og Solund kommune – vedteke 28.10.21) «men slik at Fedje kommune sjølv skal krevje inn renovasjonsgebyr frå eigedomar i kommunen for oppsamling, innsamling, transport og handsaming av hushaldningsavfall». NGIR overtar administrasjon av abonnementgebyra frå 01.01.2023.

Kommunestyret vedtek å behalde administrasjon av slamtømming som kommunal oppgåve.

Formannskapet - 114/22

**F - behandling:**

**F - vedtak:**



# Fedje kommune

Kommunestyret vedtek at NGIR overtek administrasjon og fakturering av renovasjonsgebyra i Fedje kommune. Kommunestyret opphevar siste del av setning i sak 070/21 (Forskrift om innsamling og handsaming av hushaldsavfall i Alver, Austrheim, Fedje, Gulen, Masfjorden, Modalen og Solund kommune – vedteke 28.10.21) «men slik at Fedje kommune sjølv skal krevje inn renovasjonsgebyr frå eigedomar i kommunen for oppsamling, innsamling, transport og handsaming av hushaldningsavfall». NGIR overtar administrasjon av abonnementgebyra frå 01.01.2023.

Kommunestyret vedtek å behalde administrasjon av slamtømming som kommunal oppgåve. Samrøystes vedteke.